

Ieruum, et Henricus rex fugatus est de civitate A et ipse dux moritur in Cassiopi mense Julio. Corpus ejus reportatum est in Brundusium in mense Septembris, et fuit sepultum in ecclesia Sancti Sabini in civitate Venusii, sicut ipse ante mortem præceperat. Cor autem et interiora ejus sepulta sunt in Hydrunte. Succedit Roberto Rogerius filius ejus pater Wilelmi III ducis Apuliae, qui nunc feliciter datur.

Explicit Chronicum Northmannicum.

ANTE FINEM SÆCULI.

GAUFRÉDUS MALATERRA

MONACHUS BENEDICTINUS.

GAUFRIDI MALATERRÆ

HISTORIA SICULA

AD FIDEM VETERUM MANUSCRIPTORUM A JOANNE BAPTISTA CARUSIO EDITA; NUNC ITERUM CUM PRIORIBUS EDITIONIBUS COLLATA. MULTISQUE MENDIS EXPURGATA.

(apud MURATORIUM *Rerum Ital. Script.*, tom. V, pag. 557.)

MURATORII PRÆFATIO.

Alter Normannicarum rerum scriptor in hac nostra Collectione succedit Gaufridus monachus Ordinis S. Benedicti, agnomento *Malaterra*, qui res sæculo xi gestas a Normannis in Apulia et Sicilia resert. Guilielmo Apulo synchronus fuit hic scriptor, atque ipsum, quod ille, argumentum pertractavit; sed aliquot fortasse annis serius scripsit. Exorditur autem et ille a primo Normannorum adventu in Apuliam, suamque Historiam ducit ad annum usque 11 pontificatus Urbani II papæ, inductionem vii, et iii Nonas Julias, hoc est ad annum 1099, quo idem pontifex iv Kalendas Augusti, e vivis sublatus est. Auctor et ipse gravis, eoque nomine etiam præ alias commendandus, quod res gestas sub suis annis collocare nititur, unde purima lux chronologicæ distributioni. Scripsit etiam Historiam hanc jussu ipsius Rogerii Siciliæ comitis (qui Roberti Guiscardi frater fuit), ut intelligas quanta in estimatione is fuerit apud principem illum; eamque inscripsit Catanensi episcopo his verbis: *Beatae memoriae Georgio Catanensi episcopo frater Gaufridus ab antecessoribus Malaterra agonem trahens.* Corrigendus hic procul dubio textus editus, et scribendum agnomen. Porro hinc discimus, quod olim et ego adnotaveram pag. 344 Antiquitat. Estens, titulum *beatae, bona, pia, aut sanctæ memorie*, viventibus etiam tributum. Deinde memorat Gaufridus *habitum religionis*, quo concingimur: quæ verba, ut et alia quæ adduntur, satis indicant eundem sub S. Benedicti regula militasse. Adnotavit autem Rocchus Pirrus in Notitia Ecclesie Catanensis, post expulsos e Sicilia Saracenos Rogerium Normannum, ejusdem Siciliæ debellatorum et comitem, prefecisse Catanensi Ecclesie Ansgerium monachum Benedictinum, ex monasterio Calabro S. Euphemii adscitum. Quare ab initio sub disciplina regulari Ordinis S. Benedicti constituta est Catanensis Ecclesia, ita ut idem esset abbas Catanae ac episcopus: qui mos in subsequentia quoque sæcula pertransiit. Ansgerius vero ab anno 1091, quo constitutus est Catanae episcopus, eam sederi implevit ad annum usque 1124, ut evineant documenta a Roccho Pirro allata; ac proinde amplectendam puto conjecturam claris. Mabillonii in Annalib. Benedictin. ad ann. 1098, putantis, pro *Georgio*, quod edita Gaufridi nostri Historia habet, restituendum esse Ansgerium. Et sane libarii facile corruperint parum familiare Ansgerii nomen. Cum vero Catanensis episcopi refugium expetat Gaufridus, *ut tanto auxilio innixus, inimico dente mordere attentantes minus pertimescam, et principis nostri sustentamine fruar*: arbitratur idem Mabillonius a Gaufrido implorari patrocinium *tum adversus amulos, tum erga principem, scilicet Rotbertum, cuius mandato hanc Historiam plano sermone scribere aggressus est*. Verum nomine *principis* indicari non Rotbertum, quia nullus tunc Robertus Siciliæ dominabatur, et

Jam Guiscardus obierat, sed quidem Rogerium Siciliæ ipsius comitem ac principem, certum mihi videtur: ac potissimum cum aperte idem Gausfredus prodat in Præfatione, se posteris tradere velle triumphos famosissimi principis Rogerii (ita enim ipse mandarat) et qualiter primo Calabriam, deinde vero Siciliam armata manu subjugaverit: quæ uni Rogerio convenienter fratri videlicet Roberti Guiscardi.

Gaufredo nostro Italia minime patria sult. Is certe, quod fortasse quædam aut prætermisit, aut minus ordinata secundum tempora descripsit, se excusat, utpote a *Transmontanis partibus venientem, noviter Apulum factum, vel certe Siculum*. Si Gerardum Johannem Vossium audire velimus lib. II, cap. 47, De historic. Latin., *Gaufredus Hispanus* fuit. At ille dupli errori lapsus est, tum quo lib. III, cap. 6, eumdem ipsum Gausredum nobis exhibet veluti diversum ab eo quem supra commemoraverat, illius librum a Hieronymo Surita, istius vero a Dominico Portonario editum commemorans. Cum tamen idem scriptor fuerit, ideinque opus, quod Surita Cesaraugustæ Dominicæ Portonarii typis anno 1578 primum edidit. Deinde quod Gausredum *Hispanum* Vossius existimarit, id ea ratione factum puto, quia illius historiam in Hispania editam ex aliorum relatione, hoc est ex Possevino, audivit, a quo hic scriptor Hispanæ ascribitur. Rrcte hæc perpendere Vossius non potuit, neque enim ejus librum tunc sub manibus habebat, uti habuit postea, cum librum tertium De historic. Latin. conscripsit. At in Hispania, atque inter ipsos scriptores Hispanæ illustratæ, editi suere non semel historici sub alio cœlo nati, et quibus nunquam Hispanicam terram videre licuit. Itaque propius ad verum accedit sententia clarissimi Pagii in Critica Baron. ad annum 1099, censentis Gausredum in Normannia Galliæ provincia natum. Ille certe Normannos ubique nostros appellat; et facile intelligimus non aliunde cum in Siciliam, aut sponte, aut invitatum accessisse nisi e Normannia quandoquidem Normannus princeps, tot debellatis provinciis, regnum sibi in Sicilia constituerat, et ad eam suæ gentis fortunam confluere jam a multis annis et alii Normanni consueverant. Ac propterea ab Orderico Vitali, celebri scriptore, et monacho Uticensis in Normannia monasterii, puto factam Gausredi nostri honorificam mentionem. Agens enim ille lib. III, pag. 483, de ducibus et comitibus Apuliæ, hæc habet: *De quorum probis actibus et strenuis eventibus Goisfredus monachus cognomento Malaterra, hortatu Rogerii comitis Siciliæ, elegantem libellum nuper edidit.*

Quod reliquum est, edita primum sult, ut diximus, Gausredi Historia a Hieronymo Surita, et dicata doctissimo viro Antonio Augustino archiepiscopo Tarragonensi. Tum Francofurti recusa est anno 1606 tomus III Hispanæ illustratæ, curante Joanne Pistorio viro clarissimo. Anno demum 1723, iterum in lucem prodidit aucta variantibus lectionibus a clar. viro Johanne Baptista Carusio in sua Collectione scriptorum Siculorum, ope veterum mss. quos ille in sua præfatione recenset. Ego potiori Jure ipsam Collectioni hunc nostræ inseram, cum ejus auctor de Italicis præcipue rebus agat; et ne quid ex veteribus editionibus lectori eruditio desiderandum supersit, aliorum ante me vel præfationes, vel epistolas impri-mendas curabo.

JOANNIS BAPTISTÆ CARUSII

BREVIS NOTITIA

DE MALATERRA ET EJUS HISTORIA.

Gausredi Malaterræ Historiam laudavit Ordericus Vitalis Anglus, ejus contemporaneus, in Historia Ecclesiastica (1), ubi agit de Normannis in Italia dominantibus, et præcipue de Roberto Wiscardo ejusque fratribus, dicens: « De quorum probis actibus et strenuis eventibus Goisfredus monachus, cognomento Mala-Terra, hortatu Rogerii comitis Siciliæ elegantem libellum nuper edidit. » Cardinalis quoque Baronius multoties comindavit auctoritatem Historiæ Gausredi Malaterræ, confirmans ex ea suas narrationes, dum ait: « Gausredus monachus, qui tunc ista, quæ inspiciebat, et scribebat. » Et aliquando post ait (2): « Nominatus est iste Gausredus, professione monachus Benedictinus,

ejus opus antiquitate ipsa plane venerandum deli-tuit pene sepulcum inter vetera monumenta regum Aragónum ad nostram usque ætatem. » Vossius nullo fultus indicio Gausredum fuisse Hispanum putavit (3), sed potius videtur Normannus. Historia quidem hæc, arte typographica nondum inventa, latuit per aliquot secula; ejus tamen existant plura exemplaria manuscripta apud viros eruditos, et rerum Siciliæ curiosos (ut videre est apud Pirrum) (4) de quiqus adhuc nonnulla perdurant. Inter antiquissimos caractere, et notis literarum contatis vidi illud quod exstat in bibliotheca marchionis Jarratanae. Vidi etiam antiquum, quod asservatur penes D. Octavium Montaperto princi-

(1) Lib. III pag. 483, in Histor. Nortm.

(2) Tom. XI, anno 1097. pag. 667, edit. Romanae, et pag. 682.

(3) De Hist. latin., pag. 390.

(4) Notit. 1 Eccl. Panor. post exactos Sarac. n. 4, pag. 90.